



Saksframlegg

Sakshandsamar:	Kultur- og sørvistorget		
Arkivnr.:	19/1271	Dokumentnr.:	19/12759

Ekstraordinær tilskotsordning kultur - song og musikk

Saksopplysningar:

Bakgrunn

Radøy kommune har oppretta ei ekstraordinær tilskotsordning til lag og organisasjonar med ein samla sum på to millionar kroner. Av denne summen er det sett av 500 000 kroner til song og musikk, med ei øvre løyving på 75 000 kroner.

Det har kome inn sju søknader om tilskot frå den ekstraordinære tilskotsordninga. Alle dei seks korpsa i Radøy har søkt om tilskot, og i tillegg er det kome søknad frå Radøy damekor. Alle søkjarane tilfredsstillar kriteria for å søkja om støtte frå den ekstraordinære tilskotsordninga.

Administrasjonen tilrår at dei seks korpsa vert stilte likt og får maks tilskotssum på 75 000 kroner. Det vert søkt om tilskot til instrumentkjøp, som er tunge investeringar.

Radøy damekor har monaleg lågare driftskostnadane enn korpsa, og administrasjonen tilrår at koret får eit tilskot på 50 000 kroner.

Manger musikklag ønskjer sesongen 2019/20 å investera i nytt utstyr som er svært etterlengta for korpset. Det gjeld først og fremst eit klokkespel-liknande instrument, crotales, som er blitt stadig meir vanleg i korps, men som MML må leiga for kvar gong. Krav til mute for tuba er også viktig i korps, ikkje minst på bakgrunn av at musikk til dagens konkurransestykker vert akreven med strenge krav til styrkegrad og stemningar som ein berre kan oppnå ved å bruka mute.

Korpset søkjer om eit tilskot på 75 000 kroner.

Tilråding: Manger Musikklag får eit tilskot på 75 000 kroner.

Manger Skulemusikklag har det siste året satsa på juniorkorps (alder 10 og 11) i tillegg til hovudkorpset. Korpset har merka svært god rekruttering dei siste åra, og viser i søknaden til at dette er krevjande økonomisk på grunn av at behovet for instrument aukar drastisk. Skulekorpset skriv i søknaden at korpset har ambisjonar om å hevda seg i toppen av 1. divisjon. Det vert peika på at ein stor del av instrumentparken er gamal og at det trengst nye i samband med satsinga på juniorkorps.

Manger skulemusikklag søker om eit tilskot på 75 000 kroner.

Tilråding: Manger skulemusikklag får eit tilskot på 75 000 kroner.

Hordabø skulemusikklag søker om tilskot til fornying av instrumentparken i korpset, som er registrert i NMF som generasjonskorps og får difor ikkje ta del i løyvingar frå korpsforbundet sitt instrumentfond. Hordabø skulemusikklag må difor finansiera instrumentkjøp ved bruk av egne midlar. Korpset skriv i søknaden at nye instrument er svært påkrevd, sidan ein del av instrumentparken er svært gammal. Korpset har fornya noko av instrumentpark i fjor og tidlegare i år, og det er behov for fleire innkjøp.

Hordabø skulemusikklag søker om tilskot på 75 000 kroner.

Tilråding: Hordabø skulemusikklag får eit tilskot på 75 000 kroner.

Sæbø skulemusikklag har for tida lite rekruttering og har få medlemmar i korpset.

Dette ønskjer korpset å gjera noko med og søker støtte til eit rekrutteringsprosjekt der dei vil gje tilbod om musikk/rytmeleik og enkel notelære i SFO-tida på skulen ein gong i veka frå januar 2020 og til medio mai.

Born som ikkje går på SFO vil og få tilbod om å vera med.

For å få til dette treng skulekorpset midlar til instruktør og innkjøp av ulike rytmeinstrument, skarptrommer, marsjtrømme og plastikk blåseinstrument som kornett/trombone og notar.

Skulekorpset oppbevarar i dag slagverkutstyr i eit rom på Sæbø skule der det ikkje er mogeleg å

oppbevare utstyr anna enn på golvet. Korpset søker difor om støtte til materiell slik at dei kan få sett opp hyller og få orden på rommet.

Sæbø skulemusikklag søker om tilskot på 75 000 kroner.

Tilråding: Sæbø skulemusikklag får eit tilskot på 75 000 kroner.

Radøy Brass er ei god blanding av erfarne musikantar og unge talent og skriv i søknaden at korpset er opptatt av å kunne vera tilbod for dei eldste musikantane i skulekorpsa i kommunen. Korpset ønskjer å styrka instrumentparken slik at dei kan tilby medlemmane sine betre instrument. Det er størst behov for å utvida instrumenttilbodet i slagverkgruppa, mellom anna treng korpset to pauker, men det er også behov for nye kornettar. Radøy Brass skriv i søknaden at desse innkjøpa ville utgjort ein betydeleg forbetring av instrumentparken og gjort korpset endå bedre rusta til å ta imot fleire lokale musikantar.

Radøy Brass søker om tilskot på 75 000 kroner.

Tilråding: Radøy Brass får eit tilskot på 75 000 kroner.

Manger Old Star Brass søker om tilskot til kjøp av instrument og slagverksutstyr. Korpset skriv i søknaden at dei mellom anna har trong for ein BBb-tuba. Laget eig berre ein slik, og dette er svært dyre instrument å kjøpa inn. Listepriis på ein slik tuba er i dag kr 122.000, men korpset viser til at det er råd å få den «på tilbod» for om lag kr 109.000,-.

Korpset har også trong for å skifta ut nokre andre instrument, og oppgradera noko slagverksutsty

Manger Old Star Brass søker om tilskot på 75 000 kroner.

Tilråding: Manger Old Star Brass får tilskot på 75 000 kroner.

Radøy damekor søker om tilskot til fornying av koret sitt utstyr. Koret treng mellom anna nye notestativ. Utover dette ser koret stadig behov for eit iunstrument dei kanb med seg npår dei oppttrer andre stadar enn i heimekyrkja på Manger. Dei ser for seg eit gode stadpinaio som er lett å flytta på

Radøy damekor har 20 årsjubileum i 2020 og har i den samanheng lyst til å realisera innkjøp av skikkeleg korantrekk til medlemmane.

Koret søker om tilskot på 61 829,-.

Tilråding: Radøy damekor får eit tilskot på 50 000 kroner.

Rådmannen sitt framlegg til vedtak:

Radøy kommune gir følgjande tilskot frå ekstraordinær tilskotsordning til song og musikk:

Manger musikklag	kr 75 000,-
Radøy Brass	kr 75 000,-
Manger Old Star Brass	kr 75 000,-
Hordabø skulemusikklag	kr 75 000,-
Manger skulemusikklag	kr 75 000,-
Sæbø skulemusikklag	kr 75 000,-
Radøy damekor	kr 50 000,-

Vedlagte saksdokument:

Søknad ekstraordinær tilskotsordning Radøy Brass	155800	05.09.2019
Søknad frå MSML Ekstraordinære midlar	155801	05.09.2019
Søknad Hordabø skulemusikklag	155802	05.09.2019
Søknad om ekstraordinære tilskot - Manger Musikklag	155803	05.09.2019
Søknad om ekstraordinære tilskotsmidlar Manger Old Star Brass	155804	05.09.2019
Søknad Sæbø skulemusikklag	155805	05.09.2019
Søknad tilskot Radøy damekor	155806	05.09.2019